

Koha Jonë

Greva e urise, Topalli "hap" dyert e Kuvendit

E Shtune, 15 Nentor 2008

Kryetarja e Kuvendit, Topalli "hap" ditën e djeshme edhe dyert e Parlamentit për të gjithë personalitetet që duan të depertojnë në ambientet, ku po mbahet greva e urise së 10 deputeteve. Kjo hyrje do të jetë e lirë, por me kushtin thelbesor se këta personalitete duhet të pajisen paraprakisht me një leje të Kuvendit për të realizuar këto vizite. Ky "leshim" është bërë në kushtet kur përfaqësues të lartë të politikës në vend dhe nderkombetare po shfaqin interesin të takohen me grevistet. Por dhe pas refuzimit që iu bë ish-presidentit Moisiu, dhe dy deputeteve belge.

Ndryshimi

Në vizitën që kryetarja e Kuvendit, Jozefina Topalli zhvilloi paraditën e djeshme në sallën ku 10 deputetët po mbajnë edhe greven e urise, ajo u komunikoi përfaqësuesve të partive politike se ata mund të vizitoheshin nga personalitete të ndryshme, të cilët ishin të interesuar për gjendjen e tyre shëndetësore dhe për motivet që i shtyne drejt greves së urise. Por sipas krytares së Kuvendit, këto vizita do të realizohen vetëm në rastin kur këta persona paraprakisht të kishin marrë lejen e posaçme nga Kuvendi, në lidhje me këto vizite. Për sa i përket deputeteve të tjerë të Kuvendit, ata ishin të lirë që në çdo moment të ditës dhe të natës të vizitonin koleget e tyre të "ngujuar", tashmë prej pesë ditësh, në ambientet e sallës së seancave, në Kuvend. Burimet bëjnë të ditur se kryetarja Topalli asnjehere nuk është shprehur kundër vizitave në sallë, por këto normalisht duhet të kryheshin në mënyrë të kontrolluar, ashtu siç ndodh në rast të protestave të tilla.

Eurodeputetët

Dy deputetë belge që erdhën dje në mënyrë të posaçme për të vizituar deputetët shqiptarë që ndodhën në grevë urie arritën të takojnë deputetët vetëm pasdite. Delegacioni i kryesuar nga deputeti liberal belg Denis Ducarne, si dhe nga **Claude Moniquet**, Presidenti i Qendres Strategjike Evropiane për Inteligjencën dhe Sigurinë, janë lejuar të futen vetëm pasdite në sallën e Kuvendit, ku deputetët po bëjnë greven e urise, pasi në mesditë, ata janë ndaluar para ambienteve të Kuvendit nga punonjësit e gardes. Gjatë takimit me deputetët në greven e urise, deputeti belg Ducarne është shprehur se ngjarja e greves së urise së deputeteve shqiptarë është degjuar mjaft, ndaj dhe kjo është arsyeja e vizites. Deputeti belg është shprehur se e mbështesin këto greva, sepse kjo nuk është thjesht një grindje partish, por është një perpjekje për të shpetuar natyrën e regjimit. Ai garantoj se Evropa ka ngritur pikepyetje për atë se çfarë po ndodh në Shqipëri. "Edhe une me t'u kthyer, do të sqaroj koleget dhe gjithashtu do të kërkoj qeverisë belge që të mbajë një qëndrim për këto çështje", theksoi deputeti belg, Ducarne. Fatjona Mejdini

Malaj-PS

"Dialogu politik organizohet mes partive politike dhe jo mes individeve. Rer sa i perket krizes mendoj se nga pikepamja etike eshte nje moment qe kerkon nje vleresim sa me te drejte. Vemendja dhe tensioni mbi keto ligje do te cenohet", u shpreh Malaj.

© 1991 - 2008 Koha Jone - Te gjitha te drejtat e rezervuara Programing ©
[WebPhotoPro](#)